



partii naleraq

Nuuk, Oktobarip 18-t 2017.

UKA 2017/67

Inatsisartut aalajangiiffigisassaattut siunnersuut Naalakkersuisut peqquneqassasut, aalisarnerup iluani tunitsivinni tunisat tamaasa oqimaassutsinut akigititat ingerlaavartumik saqqummiuneqartalernissaat anguniarlugu internikkut portalimut pilersitsinissamik nalunaarusiamik 2018 ingerlarnerni agguaassissasut. Nalunaarusiami nalilersuinerit, suliassat pilersitsinissamut tunngasut, naleqqussajuarnissamullu aningaasartuutissat ilanngunneqassapput, portali qanoq aaqqissuunneqarsinnaanersoq – kiisalu inuussutissarsiummut tunngatilugu aningaasarsiornermut unammilleqatigiinnermullu qanoq kinguneqarsinnaanera ilaatinneqassallutik.

(Inatsisartunut ilaasortaq, Henrik Fleischer, Partii Naleraq)

Siunnersuuteqartoq partii naleqqamiit Henrik Fleischer qutsavigeriarlugu imatut siunnersuutaa oqaaseqarfigissuarput.

Ukiorpassuanguulersuni nunatsinni aalisakkanik tunisinermi tunitsiviit pissusipalaaq atulernikuuaat, tassalu inoqarfinni unammillerfiusuni akit qaffasitsinnerani inoqarfinni unammillerfiunngitsuni akikinaarinikkut taakku unammillerfiusuni akitsuinerit pilliutaallutik akilersortarpaat. Pissutsit tamakku uagut qinikkatut inissisimasuusugut akuersaarsinnaanngilarput tassami uagut pisussaaffeqarpugut nuna tamakkerlugu atugarissaarnerulersitsinissamik aqutissiuussissalluta. Internetsikkut portalimik pilersitsinikkut sumiluunniit akit qaffasissusaat appasissusaalluunniit tamatta malinnaaffigisinnaanngussuarput. Taamannallu akinut nuna tamakkerlugu malinnaasinnaanngornitta aamma kingunerisariaqassavaa sineriak tamakkerlugu akit assiginnerusumik inissitalernissaat suliffeqarfisuillu soorlu Royal Greenlanditut ittut piffinni unammillerfiunngitsuni pilliutinngortitsisarnertat tassuuna oqaluttuaannanngortillugu. Akit sinerammi assiginnerusumik akilersorneqalerpata ilaquitariinnut atugarissaarnerulerneq aqutissiuutissuarput, tassuunalu qinikkatut pisussaaffipput oqinnerusumik naammassisinnaanngorlugu.

Puiussanngilarpummi aalisartut tassaammata taakku ilaatigut toqu ajaperlugu, nunatta nunanik allanik niueqateqarnermini patajaattuunissaanik tunngaviliinerpaat, ilisimaaralugu piffiit ilaanni akikinaarujussuarlugu akilernerlunneqarlutik tunitsivimmut tunigaangamikku Europami pisisartumut assersuutigalugu qaleralik tunineqartarmat dkk 250 missaani akilersillugu.



partii naleraq

Soorlu aamma piffinni assignngitsuni akit assignngippallaaleraangata akiluffiusuniit akigis-saarfiusumut aalisartut katersuukkajulersarmata tassanilu aalisarneq annertunerusoq, aalisagakillinermik kinguneqarsinnaasoq, aqutissiuutilerlugu.

Henrik Fleischerip siunnersuutaa nunarsuarmioqatitsinni takornartaanngilaq, taamaattumik iluatsilluartumik misilittagaqarfigineqalereerpoq qeqertami kangimut sanilitsinni, soorlu aamma Umittoormiut nunaanni – Norgemi, ukiuni arlaqalersuni malinnaasimaninni takuneqarsinnaasoq Umittoormiut knapk-uata internetsikkut quppersagaanni, siunnersuuteqartup nammineq innersuussaanni takuneqarsinnaasoq.

Taamaattumik siunnersuummut isumaqataalluta siunnersuut tamakkiisumik taperserlugu aappaasaaneernissaanut ataatsimiititaliamut innersuupparput

Qujanaq

Per Rosing-Petersen